

ODLUKU

O DODJELI U ZAKUP POSLOVNIH PROSTORIJA OPĆINE CENTAR SARAJEVO U ULICI ČOBANIJA 2

Član 1.

Neposrednom pogodbom po osnovu prava prvenstva, dodjeljuju se u zakup na 5 (pet) godina poslovne prostorije u ulici Čobanija 2, površine 14 m², Nišić Rasemi iz Sarajeva, za obavljanje djelatnosti u skladu sa Odlukom o obavljanju poslovnih djelatnosti u određenim ulicama na području Općine Centar Sarajevo ("Službene novine Kantona Sarajevo", broj 38/07) sa iznosom zakupnine od 14,40 KM po m².

Član 2.

Korisniku iz člana 1. Odluke poslovne prostorije se dodjeljuju u zakup pod uslovima:

1. Izmirenja dospjelih dugovanja po osnovu neizmirene zakupnine dosadašnjeg zakupca u iznosu od 17.160,02 KM i to:
 - 50% duga u iznosu od 8.580,01 KM prije zaključenja ugovora o zakupu poslovnih prostorija;
 - ostatak duga u iznosu od 8.580,01 KM u 60 jednakih mjesečnih rata uz redovno plaćanje mjesečne zakupnine za ugovoreni period zakupa;
2. Obezbjedenja 60 potpisanih mjenica na mjesečni iznos zakupnine ili uplatom jednogodišnjeg iznosa zakupnine unaprijed.

Član 3.

Na osnovu Odluke, općinski načelnik će, sa korisnikom iz člana 1. Odluke zaključiti ugovor o zakupu poslovnih prostorija.

Ugovor iz prethodnog stava zaključit će se nakon ispunjenja obaveza iz člana 2. stav (1) tačka 1. alineja 1. i tačke 2. istog stava Odluke.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-2641/10
28. oktobra 2010. godine
Sarajevo

Predsjedavajući
Općinskog vijeća
Slaven Kovačević, s. r.

Ova Odluka je objavljena na oglasnoj ploči Općine Centar Sarajevo 04. 11. 2010. godine.

Na osnovu člana 8. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06), čl. 10. i 21. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) i člana 6. Odluke o obrazovanju Drugostepenog organa za žalbe ("Službene novine Kantona Sarajevo", broj 14/02), Općinsko vijeće Centar Sarajevo je, na Dvadesetprvoj redovnoj sjednici održanoj 28. oktobra 2010. godine, donijelo

ODLUKU

O IZMJENI I DOPUNI ODLUKE O NAKNADI ZA RAD ČLANOVIMA DRUGOSTEPENOG ORGANA ZA ŽALBE

Član 1.

U Odluci o naknadi za rad članovima Drugostepenog organa za žalbe ("Službene novine Kantona Sarajevo", broj 5/03), u članu 3. stav (1), tekst "pravo na dodatnu naknadu u iznosu od 10,00 KM" mijenja se i glasi: "pravo na dodatnu naknadu u iznosu od 40,00 KM".

Iza stava (1) dodaje se novi stav (2) koji glasi:

"Član Drugostepenog organa za žalbe može primiti maksimalno dvije dodatne naknade u toku mjeseca".

Dosadašnji stav (2) postaje stav (3).

Član 2.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-14-4185/10
28. oktobra 2010. godine
Sarajevo

Predsjedavajući
Općinskog vijeća
Slaven Kovačević, s. r.

Ova Odluka je objavljena na oglasnoj ploči Općine Centar Sarajevo 04. 11. 2010. godine.

Na osnovu člana 4. Zakona o prometu nepokretnosti ("Službeni list SR BiH", br. 38/78, 4/89, 29/90 i 22/91), te ("Službeni list RBiH", br. 21/92, 3/93, 13/94, 18/94 i 33/94) i čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Dvadesetprvoj redovnoj sjednici, održanoj 28. oktobra 2010. godine, donijelo

ODLUKU

O PRESTANKU STATUSA NEPOKRETNOSTI U OPĆOJ UPOTREBI

Član 1.

Utvrđuje se da je izgubilo status nepokretnosti u općoj upotrebi zemljište označeno kao k.č.31/10, nastala od k.č.31/1, po kulturi (cesta), površine 36 m², koje se u z.k.ul. 540, k.o. Koševo, vodi kao iskaz I - javno dobro.

Član 2.

U zemljišnim knjigama Općinskog suda Sarajevo, brisat će se upis zemljišta iz člana 1. ove Odluke kao nepokretnost u općoj upotrebi, a navedeno zemljište bit će upisano po kulturi ulica kao državna svojina čiji je nosilac prava raspolaganja Općina Centar Sarajevo sa dijelom 1/1.

Član 3.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-31-724/10
28. oktobra 2010. godine
Sarajevo

Predsjedavajući
Općinskog vijeća
Slaven Kovačević, s. r.

Ova Odluka je objavljena na oglasnoj ploči Općine Centar Sarajevo 04. 11. 2010. godine.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik, 8. novembra 2010. godine, verificovao je i donio

ODLUKU

O KOREKCIJI URBANISTIČKOG PROJEKTA "JUGOBANKA"

Član 1.

Utvrđuje se korekcija Urbanističkog projekta "Jugobanka" ("Službene novine grada Sarajeva", broj 18/86), u daljnjem tekstu: korekcija Plana.

Član 2.

Korekcija Plana odnosi se na planiranu izgradnju poslovnog objekta firme "BBM" d.o.o. Sarajevo, u ulici Hasana Kikića.

Obuhvat korekcije Plana čine parcele označene kao k.č. broj 176 i k.č. broj 420 K.O. Sarajevo LV starog premjera, što

odgovara k.č. broj 1547 K.O. Sarajevo IV (novog premjera). Korekcijom Plana se na naprijed opisanom zemljištu, omogućava izgradnja poslovnog objekta. Objekat će služiti za potrebe firme "BBM" d.o.o. Sarajevo. Planirani horizontalni gabarit ovog poslovnog objekta je (31,00 + 9,00 + 3,00 + 7,00 + 10,00 + 2,00 + 17,00 + 14,00) m, sa max. dozvoljenom visinom vijenca istočne fasade 18,20 m i sa max. dozvoljenom visinom zapadne fasade objekta 21,95 m (unutar ovih maksimalnih dozvoljenih vertikalnih gabarita objekta, moguće je ostvariti spratnost P+5 do P+6). Posljednja etaža objekta mora biti za 3,00 m uvučena u odnosu na max. građevinsku liniju donjih etaža istog, definisanu prema ul. Hasana Kikića. Saobraćajni pristup za predmetni objekat, je iz ulice Hasana Kikića. Stacionarni saobraćaj riješen je u podzemnoj garaži, lociranoj u okviru vlasničke parcele.

Član 3.

Korekcija Plana sastoji se iz tekstualnog dijela i grafičkog priloga broj 6 ("Razmještaj objekata" u razmjeri 1:500). Tekstualni dio i grafički prilog korekcije Plana, sastavni su dio Urbanističkog projekta "Jugobanka (kvadranti 32, 33, 34, 36 Centralnog gradskog jezgra)", ("Službene novine Grada Sarajeva", broj 18/86). Postojeća stabla javora i kestena, na južnoj granici predmetne parcele označene kao k.č. broj 1547

K.O. Sarajevo IV (novi premjer), se trebaju zadržati. Postojeća stabla trebaju biti sastavni dio Idejnog projekta predmetnog poslovnog objekta, vodeći pri tome računa da i saobraćaj u mirovanju, organizovan u podzemnim etažama, bude adekvatno riješen.

Član 4.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i i Ministarstvu prostornog uređenja i zaštite okoliša Kantona Sarajevo.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-2183/08
8. novembra 2010. godine
Sarajevo

Općinski načelnik
Dževad Bećirević, s. r.

Napomena: Objavljeno na oglasnoj ploči Općine Centar 09.11.2010. godine

OPĆINA STARI GRAD

Općinsko vijeće

Na osnovu člana 23. Zakona o budžetima u Federaciji BiH ("Službene novine Federacije BiH", broj 19/06) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), Općinsko Vijeće Općine Stari Grad Sarajevo, na sjednici održanoj 28. oktobra 2010. godine, donijelo je

ODLUKU

**O IZMJENAMA I DOPUNAMA BUDŽETA OPĆINE
STARI GRAD SARAJEVO ZA 2010. GODINU**

I. OPĆI DIO

U Budžetu Općine Stari Grad Sarajevo za 2010. godinu ("Službene novine Kantona Sarajevo", broj 1/10) član 1. mijenja se i glasi:

Član 1.

Budžet Općine Stari Grad Sarajevo za 2010. godinu sastoji se od:

I	PRIHODI I PRIMICI	19.891.563,00 KM
II	RASHODI I IZDACI	19.891.563,00 KM
III	SUFICIT/DEFICIT	- 0 -

Član 2.

Član 2. mijenja se i glasi:

U članu 2. Prihodi i primici, rashodi i izdaci po vrstama i namjenama utvrđeni u bilansu plana Budžeta za 2010. godinu mijenjaju se i glase kako slijedi: